



**KABINET PREDSJEDNIKA I POTPREDSJEDNIKA**

Sarajevo: 16.08.2022. godine

Br: 01-4-01-4-836/22

**UPRAVA ZA INDIREKTNO OPOREZIVANJE BIH**

n/r g-din Miro Džakula, direktor

**PREDMET:** Inicijativa slijedom Zaključka 26. sjednice Odbora Udruženja međunarodnih špeditera, *dostavlja se*

Poštovani,

Odbor Udruženja međunarodnih špeditera Vanjskotrgovinske/Spoljnotrgovinske komore Bosne i Hercegovine na svojoj 26. sjednici, održanoj 09.08.2022.godine, razmatrao je trenutne probleme međunarodnih špedicija koje posluju na teritoriji Bosne i Hercegovine, a između ostalog i barijere koje su nastale počekom korištenja NCTS sistema. Iste se odnose na status ovlaštenih primatelja i lokalno uvozno carinjenje.

S tim u vezi, Odbor Udruženja međunarodnih špeditera Vanjskotrgovinske/Spoljnotrgovinske komore BiH, jednoglasno je usvojio Zaključak da se od Uprave za indirektno oporezivanje BiH traži da se hitno iznađe rješenje za prevazilaženje problema koji je identificiran u Zaključku broj: 03-03-4-783-5/22 od 10.08.2022.godine, koji Vam dostavljamo u prilogu.

Očekujući puno razumijevanje i skori odgovor, unaprijed se zahvaljujemo i srdačno Vas pozdravljamo.

S poštovanjem,

z9 **PREDSJEDNIK**

Zdravko Marinković



**Prilog:**

-Zaključak br. 03-03-4-783-5/22 od 10.08.2022.godine

**Dostavljeno:**

- Naslovu
- 03
- a/a





**VANJSKOTRGOVINSKA KOMORA BOSNE I HERCEGOVINE**  
**СПОЉНОТРГОВИНСКА КОМОРА БОСНЕ И ХЕРЦЕГОВИНЕ**

Udruženje međunarodnih špeditera  
710000 SARAJEVO, Branislava Đurđeva 10  
Tel: (++387 33) 566 174, Fax: (++387 33) 566 176  
e-mail: [sped@komorabih.ba](mailto:sped@komorabih.ba), [www.komorabih.ba](http://www.komorabih.ba)  
- Odbor Udruženja -

PRILOG 26.4.1.

Broj: 03-03-4-783-5/22

Sarajevo, 10.08.2022. godine

Na osnovu člana 17. Poslovnika o radu Odbora Udruženja međunarodnih špeditera, Odbor Udruženja na svojoj 26. sjednici, održanoj dana 09.08.2022. godine, jednoglasno je usvojio sljedeći:

### ZAKLJUČAK

I

U cilju otklanjanja barijera koje su nastale početkom korištenja NCTS sistema, a odnose se na status ovlaštenih primatelja i lokalno uvozno carinjenje, Odbor Udruženja međunarodnih špeditera Vanjskotrgovinske komore BiH, jednoglasno je usvojio Zaključak da se od Uprave za indirektno oporezivanje BiH traži da se hitno iznađe rješenje za prevazilaženje sljedećeg problema.

Naime, ovlašteni primatelji su obaviješteni u petak, 29.07. 2022.godine (iza 16:00 h) da neće moći koristiti status ovlaštenog primatelja u postupku provoza dok ne reguliraju elektronsko poslovanje(e-poslovanje) sa Upravom za indirektno oporezivanje BiH, jer je taj dan utvrđeno da NCTS aplikacija ne dozvoljava obavještenje o prispjeću robe, osim sa kartice ovlaštenog primatelja, usprkos činjenici da je prethodno na svim seminarima i predavanjima prezentirano da će prispjeće robe moći potvrditi i ovlašteni zastupnik-špediter koji robu dalje procesuiru u traženi postupak (IMI, IMH i sl.) Zbog navedenog, ovlašteni primatelji (većina) su se oslonili na tu mogućnost i nisu tražili e-kartice i pristup NCTS-u. Također, naglašavamo da su svi ovlašteni primatelji i korisnici odobrenja dobili instrukcije da, zbog primjene novih propisa, obnove postojeća odobrenja koja imaju. Za obnovu istih su dobili rok 6 mjeseci.

Slijedom toga, traži se da se iznađe tehnička mogućnost (npr. doda opcija u modulu za potvrđivanje) da njihov špediter može u njihovo ime poslati obavještenje o prispjeću robe, kao što je prvobitno i bilo prezentirano od strane Uprave.

Trenutna praksa ima značajne, negativne posljedice za privredu i proizvodna poduzeća zbog nemogućnosti korištenja lokalnog uvoznog carinjenja, čekanje kamiona u terminalima na redovan postupak carinjenja, kršenje rokova isporuke, poskupljenja prijevoza i slično. Činjenica je da izdavanje e-kartica i pristup NCTS-u može potrajati prilično dugo vremena, posebno imajući u vidu da su mnoga odgovorna lica na godišnjim odmorima, zatečeni ovom informacijom, te da zahtjeve nije moguće podnijeti bez njihovog potpisa i slično.

II

Zadužuje se sekretar Udruženja i rukovodstvo Vanjskotrgovinske komore BiH za daljnje postupanje po ovom Zaključku, a u skladu sa aktima Vanjskotrgovinske komore BiH i Udruženja.

Predsjednik Odbora Udruženja:  
Zvonko Šušak s.r.